

միջավայրը, նկարագրեր է թուրք-բրդական կրկնակի լուծը, ասիական բռնակալութեան աղբ բարդ ու հակայ մեքենան, որու տակ դարեր է վեր կը սնքար հայութեան մեծամասնութիւնը...

«Ժողովուրդը միշտ գտնուում էր նոյն դրութեան մէջ, որպէս մի թռչուն, որի բոյնը քանդուած է չար երեխայի ձեռքով. նա նրստած է միշտ օրօնող տերեւի վրայ եւ չգիտէ ի՞նչ անէ: Բնակիչը սիրտ չունէր կրկին նորագելու իր խրոխտը, որովհետեւ մտածում էր՝ արդեօք երկա՛ր կարող է բնակուել նրա մէջ, սիրտ չունէր միւս անգամ ցանել իր արտը, որովհետեւ յոյս չունէր, թէ կը յաջողուի՞ իրան փողի իր հունձքը...

Քուրդը պետական փառասիրութիւն չունէր եւ ոչ հասկանալի էր նրա աշխարհակալութեան հպարտութիւնը: Նա նայում էր իր նրւանամ ժողովրդի վրայ, որպէս այն սարերի խոտերի վրայ, ուր արածում էին նրա անասունները:

.....

Ահա՛ այսպիսի դրութեան մէջ էին այն ժամանակ — Արգրումի, Բայազետի, Հաղբակայ, Վանի, Բաղէշի, Մուշի, Շատախու, Սաւանոյ, Խիզանու, Մոզաց, Զարսանջախու, Քեղուայ գաւառները իրանց բազմաթիւ հայ բնակիչներով: Նրանց տիրում էր մի աւագակցեղ, որի աջ ձեռքը — իր սուրն էր, որի ոտքերը — իր ճնշոյգն էր, որի տունը — իր թեթեւ չադրը, որի հայրենիքը — ամէն տեղ, որի հունձքը — թշուառ մարդկութիւնը, որի օրէնքը եւ իրաւունքը — իր կամքը, որի կեանքի նպատակը — փշրել, խորտակել, ոչնչացրնել, որի գործող ոգին — իր երկաթէ սիրտը, վայրենի կատաղութիւնը եւ գազանական յանդրգնութիւնը»... («Կայծեր», հատ. Ա. էջ 272-275):

Սրանչէլիօրէն կը լուսարանէ նաեւ հարազատ համայնքի ներքին էութիւնը, դասակարգերու բնոյթը, անոնց փոխյարարութիւնները, ամիրաներու, սարբաֆներու սոցիալական պաշտօնը, անոնց հլու ծառայականութիւնը հանդէպ թուրք կառավարութեան եւ կեղեքիչ ու կործանիչ «հովանաւորութիւնը» հանդէպ թշուառ, տրորուած, կրկնակի ու եռակի հա-

րըտահարուած հայ զանգուածը...

Թող թոյլ տրուի մեզ հատուած մը բերել Ասլանի մէկ երկար ճառէն.

«Քեռի Պետրոսները, Տէր Թողիկները, կ'ըսէ Ասլանը... Ժողովրդի առաջնորդող մասն են կազմում... այստեղ է մեր դժբախտութիւնը: Քեռի Պետրոսը (ֆուրդ իշխանի «շահբանդան») մատակարարում է իշխանին բոլոր պիտոյքները... սկսած ուտելիղէններից, հագուստից մինչեւ ամենամանր բաները... ինքն է գնահատում, ինքն է գրում իր տետրակների մէջ իր տուածը եւ տարեգլխին յայտնում է մի անագին գումարի պսակն: Միամիտ ֆուրդն ընդունում է, բայց նա փող չունի... եւ իր ստացած նիւթը փոխարինում է ուրիշ նիւթով: Այս վերջինը նա ունի: Բաւական է միայն, որ իշխանը բարեհաւէր մի արշաւանք գործել դէպի երկրի որեւիցէ կողմը եւ անա նա վերադառնում է ոչխարների, ձիերի, կովերի, գորգերի ու կապերտների անագին աւարով... Նա ամէն տեղ ունի իր գործակալները գողացած ապրանքը «սաղացնելու» համար:

... Ամէն մի ֆուրդ իշխան ունի դրանցից (Քեռի Պետրոսներից) մի-մի հատ: Քեռի Պետրոսներից ցանկալի է, որ իրանց իշխանը միշտ հաւատարմութիւն մնայ իր անասնաման իշխանութեան մէջ, թէեւ նրանք գիտեն, որ իրանց ստացած մքերքը, յափշտակուած է հազարաւոր թըշուառ հայերից»...

Մարօն, որ Ֆարհատի հետ լուռ, ուշադրութեամբ կը լսէր հետորին, կը բացականչէ վրդովուած.

— Պէտք է ոչնչացնել այս բոլոր Քեռի Պետրոսներին:

— Դա ասիական կոշտ միջոց է շարութիւնը բառնալու համար — կը պատասխանէ Ասլանը... Փոխիք նրանց (աւագակների) կեանքի պայմանները եւ դու կը տեսնես, որ նրանք օրինաւոր մարդիկ կը դառնան... Դատապարտել նրանց չենք կարող, որովհետեւ մեր հասարակութիւնը իր փքած կազմակերպութեամբ ինքն է ծնել այն մարդիկներին...

— Ես ձեր ասածները չեմ հասկանում, պատասխանեց Մարօն... Ես գիտեմ միայն, որ պէտք է օձի գլուխը ջարդել, երբ տեսնում ես, որ նա պատրաստուել է քեզ խայքելու: Ես